



Na osnovu odredaba člana 118. Zakona o radu ("Sl.novine FBiH", broj: 26/16, 89/18, 44/22), člana 94. stav (2) alineja f. Zakona o osnovnom odgoju i obrazovanju ("Službene novine KS" broj: 23/17, 33/17, 30/19, 34/20 i 33/21), člana 169. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Sl.novine KS" broj: 24/22), člana 2. stav (4) Kolektivnog ugovora o izmjenama kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo ("Sl.novine KS" broj: 40/22) i po prijedlogu direktora škole, a uz prethodne konsultacije i saglasnost Sindikata JU Osnovna muzička škola Ilidža, te dostavljenog mišljenja akt broj: 01-86/2022 od 20. 10. 2022. godine, Školski odbor na 7. (sedmoj) redovnoj sjednici održanoj dana 21. 10. 2022. godine, shodno Odluci broj: 01-1-907/22 od 21. 10. 2022. godine, jednoglasno donosi sljedeći

PRAVILNIK O IZMJENAMA PRAVILNIKA O RADU JAVNE USTANOVE OSNOVNA MUZIČKA ŠKOLA ILIDŽA

PLAĆA I NAKNADE PLAĆE

Član 1.

(Pravo na povećanu plaću – dodatak uz plaću za otežane uslove rada)

(1) U članu 98. stav (1) Pravilnika o radu JU Osnovna muzička škola Ilidža broj: 01-1-683/22 od 01. 7. 2022. godine mijenja se tačka g) koja glasi:

"g) odgajatelju, vjeroučitelju u predškolskoj ustanovi, nastavniku razredne nastave i nastavniku predmetne nastave za specifičnosti izvođenja odgojno-obrazovne nastave (rad sa djecom/učenicima) pripada pravo na poseban dodatak u iznosu od 3% njegove osnovne plate",

(2) Tačka i) istog člana i stava mijenja se i glasi:

"i) direktoru, pomoćniku direktora (voditelju dijela nastavnog procesa), rukovodiocu Službe pravnih i općih poslova, rukovodiocu Službe računovodstva, rukovodiocu Službe nabavki, distribucije i održavanja, sekretaru, samostalnom referentu za plan i analizu (računovodstveno-finansijskom radniku) i administrativno-računovodstvenom radniku pripada pravo na poseban dodatak u iznosu od 4% njegove osnovne plate.

Radnicima iz ove tačke, pored posebnog dodatka u iznosu od 4% njegove osnovne plate, pripada pravo na posebni dodatak prema sljedećim kriterijima: radniku u predškolskoj ustanovi u iznosu od 2% njegove osnovne plate, radniku u osnovnoj školi sa više od 60 radnika u iznosu od 1% njegove osnovne plate i radniku u osnovnoj školi sa više od 80 radnika u iznosu od 2% njegove osnovne plate".

(3) Istom članu i stavu dodaje se tačka n) i glasi:

"n) pedagogu, psihologu, pedagogu/psihologu, socijalnom pedagogu, defektologu, logopedu, fizioterapeutu, medicinskoj sestri, psihomotornom reedukatoru, surdioaudiologu audiorehabilitatoru, koordinatoru za odgojno-obrazovni rad, asistentu u odjeljenju/grupi, bibliotekaru, socijalnom radniku, fizioterapeutskom tehničaru, zdravstvenom radniku, radnom instrukturu, nastavniku u produženom i cjelodnevnom boravku, rukovaocu nastavnim tehnikom (rukovalac nastavnim tehnikom i EMIS odgovorna osoba), koordinatoru za obavezni program, saradniku za specijalizirane programe,



saradniku za pravne, personalne i administrativne poslove, saradniku za protivpožarnu zaštitu, saradniku za kvalitet i sigurnost hrane, saradniku za javne nabavke, saradniku asistentu, asistentu direktora, IPK odgajatelju, IPK administrativnom radniku, saradniku asistentu i referentu za administrativno tehničke poslove, IPK odgajatelj, saradnik za obračun, planiranje i analizu plaća i drugih primanja, saradniku za obračun, planiranje i analizu materijalnog knjigovodstva i knjigovodstva stalnih sredstava i članu mobilnog stručnog tima za pružanje podrške inkluzivnom obrazovanju pripada pravo na poseban dodatak u iznosu od 3% njegove osnovne plate.

Radnicima iz ove tačke koji rade u stručnom timu ustanove za podršku inkluzivnom obrazovanju, pored posebnog dodatka u iznosu od 3% njegove osnovne plate, pripada pravo na dodatni posebni dodatak u iznosu od 1% njegove osnovne plate".

(4) Stav (3) istog člana mijenja se i glasi:

"(3) Posebni dodaci iz stava (1) ovog člana se utvrđuju za svaku školsku godinu, a isplaćuju se tokom cijele nastavne godine izuzev posebnih dodataka iz stava (1) tačka g), tačka i) i tačka n) koji se isplaćuju tokom cijele školske godine".

Član 2. **(Stupanje na snagu)**

Ovaj pravilnik stupa na snagu danom donošenja i objavljuje se na oglasnoj ploči Škole.

Uz saglasnost predstavnika Sindikata JU Osnovna muzička škola Ilidža.

Sindikalni povjerenik

/Diana Bahtić/

Predsjednik Školskog odbora

/Birsena Alilović-Ćurevac/

Broj: 01-1- 909/22

Ilidža, 21. 10. 2022. godine

Dostaviti

- Oglasna ploča škole i web
- Sindikalnom povjereniku Diani Bahtić
- a/a 2x